



Broj: 06-1-07-3-104/21

Sarajevo, 26.02.2021. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), Centralna izborna komisija Bosne i Hercegovine je na 29. sjednici, održanoj 26.02.2021. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Stari Grad Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Stari Grad Sarajevo, kako slijedi:
1. kandidatska lista političke stranke NEZAVISNA BOSANSKOHERCEGOVAČKA LISTA, dobila je **osam (8) glasova**,
 2. kandidatska lista grupe vijećnika „DELJKOVIĆ, DŽINO, SIMONOVIĆ, ZAHIRAGIĆ, KRIVIĆ, SMAJOVIĆ“, dobila je **osam (8) glasova**,
 3. kandidatska lista grupe vijećnika „MILADIN, DODIK, JAŠAREVIĆ, ZUKORLIĆ, PAŠALIĆ, UZUNOVIĆ, BIĆO, SARAČEVIĆ“, dobila je **osam (8) glasova**,
 4. kandidatska lista grupe vijećnika „SKAKA, ŠAHOVIĆ, IŠERIC“ dobila je **nula (0) glasova**,
 5. kandidatska lista grupe vijećnika „MEKIĆ, SKORUPAN, GARIBIJA, ČENGIĆ BAŠOVIĆ“, dobila je **sedam (7) glasova**
- (2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Stari Grad Sarajevo sljedećim vijećnicima:
1. **Seid Škaljić (Bošnjak)**,
 2. **Vedad Deljković (Bošnjak)**,
 3. **Almedin Miladin (Bošnjak)**,
 4. **Muamer Mekić (Bošnjak)**,
 5. **Vedran Dodik (Hrvat)**,
 6. **Srđan Simonović (Srbin)**,
 7. **Jasmin Skorupan (Srbin)**.

O b r a z l o ž e n j e

Općinsko vijeće Stari Grad Sarajevo dostavilo je, dana 26.01.2021. godine, Centralnoj izbornoj komisiji BiH akt, broj: 02-45-39/21 od 26.01.2021. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

U skladu s članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08) svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Stari Grad Sarajevo, glasali su svi vijećnici za prethodno ovjerenih pet (5) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista političke stranke NEZAVISNA BOSANSKOHERCEGOVAČKA LISTA, dobila je osam (8) glasova,
2. kandidatska lista grupe vijećnika „DELJKOVIĆ, DŽINO, SIMONOVIĆ, ZAHIRAGIĆ, KRIVIĆ, SMAJOVIĆ“, dobila je osam (8) glasova,
3. kandidatska lista grupe vijećnika „MILADIN, DODIK, JAŠAREVIĆ, ZUKORLIĆ, PAŠALIĆ, UZUNOVIĆ, BICO, SARAČEVIĆ“, dobila je osam (8) glasova,
4. kandidatska lista grupe vijećnika „SKAKA, ŠAHOVIĆ, IŠERIĆ“ dobila je nula (0) glasova,
5. kandidatska lista grupe vijećnika „MEKIĆ, SKORUPAN, GARIBIJA, ČENGIĆ BAŠOVIĆ“, dobila je sedam (7) glasova

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.“

Imajući u vidu naprijed navedenu zakonsku odredbu, raspodjelom mandata u Gradsko vijeće Grada Sarajeva prema utvrđenim rezultatima iz stava (1) dispozitiva ove odluke, bilo bi delegirano pet vijećnika iz reda bošnjačkog naroda, dva vijećnika iz reda hrvatskog naroda, te nijedan vijećnik iz reda srpskog naroda i nijedan vijećnik iz kategorije ostalih.

U skladu sa članom 23. stav (5) Statuta Grad Sarajeva, svako općinsko vijeće koje čini Grad Sarajevo delegira najmanje jednog kandidata iz reda konstitutivnog naroda. Općinsko vijeće Stari Grad Sarajevo za Gradsko vijeće Grada Sarajeva, od sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran vijećnik iz reda srpskog naroda.**

Odredbama člana 23. stav (11) Statuta Grada Sarajevo propisano je, između ostalog, „Ukoliko se ovako provedenim izborima u općinskom vijeću za Gradsko vijeće među sedam izabranih gradskih vijećnika ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu 5. ovog člana, umjesto izabranog vijećnika za Gradsko vijeće s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik i tako sve dok se ne dođe do kvalificiranog kandidata.

Uvidom u ovjerene kandidatske liste iz Općinskog vijeća Stari Grad utvrđeno je da se na kandidatskoj listi GRUPA VIJEĆNIKA „DELJKOVIĆ, DŽINO, SIMONOVIĆ, ZAHIRAGIĆ, KRIVIĆ, SMAJOVIĆ na poziciji 3. nalazi neizabrani kandidat Simonović Srđan, iz reda srpskog naroda i na kandidatskoj listi GRUPA VIJEĆNIKA „MEKIĆ, SKORUPAN, GARIBIJA, ČENGIĆ BAŠOVIĆ“ na poziciji 2. nalazi neizabrani kandidat Skorupan Jasmin iz reda srpskog naroda.

Najmanji količnik je identičan za tri kandidatske liste (2,67), te se primjena člana 23. stav (12) Statuta Grada Sarajeva, u postupke preraspodjele prvog mandata, odnosno, umjesto kandidatu pod brojem 2. Džino Nerminu (Hrvat) sa kandidatske liste grupe vijećnika „DELJKOVIĆ, DŽINO, SIMONOVIĆ, ZAHIRAGIĆ, KRIVIĆ, SMAJOVIĆ“, mandat u Gradskom vijeću delegira Simonović Srđanu, kandidatu iz reda srpskog naroda sa iste kandidatske liste, pod brojem 3.

Za preraspodjelu drugog mandata iz reda srpskog naroda, uvidom u preostale dvije kandidatske liste koje imaju identičan najmanji količnik (2,67) i to kandidatske liste političke stranke NEZAVISNA BOSANSKOHERCEGOVAČKA LISTA i kandidatske liste GRUPA VIJEĆNIKA „MILADIN, DODIK, JAŠAREVIĆ, ZUKORLIĆ, PAŠALIĆ, UZUNOVIĆ, BIĆO, SARAČEVIĆ“, mandat se umjesto kandidatu pod rednim brojem 2. Batalović Mirzi (Bošnjak), sa kandidatske liste političke stranke NEZAVISNA BOSANSKOHERCEGOVAČKA LISTA dodjeljuje kandidatu pod rednim brojem 2. Skorupan Jasminu (Srbin) sa kandidatske liste grupe vijećnika „MEKIĆ, SKORUPAN, GARIBIJA, ČENGIĆ BAŠOVIĆ“, a kako ne bi bila narušena minimalna nacionalna zastupljenost vijećnika iz reda hrvatskog naroda, imajući u vidu da je prethodnim postupkom preraspodjele mandata preostao samo jedan vijećnik iz reda hrvatskog naroda i to kandidat pod rednim brojem 2. na kandidatskoj listi GRUPA VIJEĆNIKA „MILADIN, DODIK, JAŠAREVIĆ, ZUKORLIĆ, PAŠALIĆ, UZUNOVIĆ, BIĆO, SARAČEVIĆ“.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 26.02.2021. godine u 15:00 sati na web stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

Dani 27.02.2021. godine (subota) i 28.02.2021. godine (nedjelja) su radni dani u Centralnoj izbornoj komisiji Bosne i Hercegovine i isti se računaju u rokove za podnošenje žalbi.

Predsjednik

Željko Bakalar

